



Vogošća, ul. Jošanička, br. 80; tel: 00387 33 586 413, fax: 586 418

Broj: 07-14-1826/18
Vogošća, 16.01.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14) i čl. 71. i 125. Statuta Općine Vogošća ("Službene novine Kantona Sarajevo" broj 27/14 i 14/15 Prečišćeni tekst), Općinski načelnik dana 16.01.2019. godine donio je

**ODLUKU
O PONIŠTENJU POSTUPKA JAVNE NABAVKE RADOVA NA REKONSTRUKCIJI LOKALNE
SAOBRAĆAJNICE U ULICI MUJE ŠEJTE U DUŽINI OD L=1,285 km, NA PODRUČJU OPĆINE
VOGOŠĆA**

Član 1.

Poništava se Otvoreni postupak javne nabavke radova na rekonstrukciji lokalne saobraćajnice u ulici Muje Šejte u dužini od L=1,285 km, na području općine Vogošća, jer nijedna od pristiglih ponuda nije prihvatljiva.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 08.11.2018. godine donio Odluku o pokretanju Otvorenog postupka nabavke radova na rekonstrukciji lokalne saobraćajnice u ulici Muje Šejte u dužini od L=1,285 km, na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 12.11.2018. godine pod brojem: 1353-1-3-135-3-84/18.

Sažetak Obavještenja o nabavci objavljen je u "Službenom glasniku BiH" broj: 81/18 od 16.11.2018. godine.

Tendersku dokumentaciju sa Portala javnih nabavki BiH je preuzelo 14 (četnaest) ponuđača. Krajnji rok za dostavu ponuda bio je 29.11.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 29.11.2018. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-14-1826/18 iz novembra 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Ame" d.o.o Breza	769.818,10	/	/	900.687,18
2	"Harysco" d.o.o. Sarajevo	876.276,64	/	/	1.025.243,67
3	"Strabag" d.o.o. Sarajevo	754.685,07	/	/	882.981,54
4	"Bosman" d.o.o. Sarajevo	769.960,79	/	/	900.854,12

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Ame" d.o.o. Breza ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i jedno lice-kvalifikovani tesar.

Tačkom 7.4.2. pod b) TD je pored ostalih zahtjeva traženo da se kao dokazi za jedno lice-kvalifikovanog tesara dostavi Diploma/Svjedočanstvo o završenoj stručnoj spremi kao i dokazi o radnom angažmanu, uz napomenu da dokazi koji se dostavljaju moraju biti originalni ili ovjerene kopije.

Ponuđač "Ame" d.o.o. Breza je u svojoj Ponudi (strana 93. Ponude) kao dokaz za traženo dostavio Uvjerenje o priznavanju stručne osposobljenosti u radnoj organizaciji broj: 793/83 od 08.11.1983. godine izdato od strane SOUR "Graming" Sarajevo, kojim se dokazuje da se uposleniku Bašić Vahidu priznaje stručna osposobljenost za visokokvalifikovanog radnika u zanimanju tesara.

Komisija za javne nabavke cijeni da dostavljeno Uvjerenje nije u skladu sa traženim dokazima iz tačke 7.4.2. pod b) TD i da isto ne ispunjava uslove postavljene u TD (kao dokaz je jasno tražena Diploma/Svjedočanstvo o završenoj stručnoj spremi).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Harysco" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i jedno lice koje ispunjava uslove za obavljanje poslova pregradnika (poslovođe) građevinske struke, minimum IV stepen stručne spremlje i 3 (tri) godine radnog iskustva.

Tačkom 7.4.2. pod b) TD je pored ostalih zahtjeva traženo da se za jednog radnika građ. struke-poslovođu, minimum IV stepen stručne spremlje kao dokazi dostave Diploma i dokaz o radnom iskustvu i radnom angažmanu, uz napomenu da dokazi koji se dostavljaju moraju biti originalni ili ovjerene kopije.

Ponuđač "Harysco" d.o.o. Sarajevo je u svojoj Ponudi (strana 38. Ponude) dostavio Doplomu za Bosiljić Slobodana, dipl. građevinskog inženjera, međutim propustio je da dostavi dokaz o radnom angažmanu za pomenutog radnika tražen TD.

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i jedno lice-kvalifikovani tesar.

Tačkom 7.4.2. pod b) TD je pored ostalih zahtjeva traženo da se kao dokazi za jedno lice-kvalifikovanog tesara dostavi Diploma/Svjedočanstvo o završenoj stručnoj spremi kao i dokazi o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Harysco" d.o.o. Sarajevo je u svojoj Ponudi (strana 40. Ponude) kao dokaz za traženo dostavio Uvjerenje broj: 254/13 od 16.01.2013. godine izdato od strane "Instituta zaštite, ekologije i informatike" Banja Luka, kojim se dokazuje da je Džano Ribica osposobljen za samostalno-bezbjedno i stručno obavljanje poslova i radnih zadataka tesara u građevinarstvu.

Komisija za javne nabavke cijeni da dostavljeno Uvjerenje nije u skladu sa traženim dokazima iz tačke 7.4.2. pod b) TD i da isto ne ispunjava uslove postavljene u TD (kao dokaz je jasno tražena Diploma/Svjedočanstvo o završenoj stručnoj spremi).

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i dva rukovaoca građevinskim mašinama.

Tačkom 7.4.2. pod b) TD je pored ostalih zahtjeva traženo da se kao dokazi za dva KV rukovaoca građevinskim mašinama dostave Diplome/Svjedočanstva o završenoj stručnoj spremi kao i dokazi o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Harysco" d.o.o. Sarajevo je u svojoj Ponudi (strana 59-60. Ponude) kao dokaz za traženo dostavio Uvjerenje za rukovanje građevinskom mašinom broj: 27-GM/13 od 12.02.2013. godine, izdato od strane "Instituta za zaštitu i projektovanje" d.o.o. Tuzla, kojim se dokazuje da je Ačimović Aleksandar pohađao seminar za stručno osposobljavanje rukovalaca za bezbjedno rukovanje građevinskom mašinom (rovokopač), te stekao potrebna znanja i s uspjehom položio ispit.

Ponuđač je također dostavio Uvjerenje o osposobljenosti za siguran rad na građevinskim mašinama broj: 1332/17 od 03.05.2017. godine, izdato od strane "Proving" d.o.o. Sarajevo-društva za protivpožarni inženjering i poslove zaštite na radu, kojim se dokazuje da je Zečo Haris, zaposlenik firme "Harysco" d.o.o. Sarajevo zadovoljio provjeru stručne osposobljenosti, te mu se priznaje stručna osposobljenost rukovaoca građevinskim mašinama.

Komisija za javne nabavke cijeni da dostavljena Uvjerenja nisu u skladu sa traženim dokazima iz tačke 7.4.2. pod b) TD i da ista ne ispunjavaju uslove postavljene u TD (kao dokazi su jasno tražene Diplome/Svjedočanstva o završenoj stručnoj spremi).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

III. Ponuda ponuđača "Strabag" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 8.2.1.TD a u skladu sa članom 58. Zakona, propisano je da Ponuda mora da sadrži slijedeće elemente i to između ostalih:
 - Obrazac za cijenu ponude, sačinjen i popunjen u skladu sa šemom koja je data u Aneksu 2. tenderske dokumentacije, ovjeren i potpisan od strane ponuđača.

Također, tačkom 8.4.1.TD je jasno propisano da se Ponuda izrađuje na način da čini cjelinu i ista mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke.

Ponuđač "Strabag" d.o.o. Sarajevo je u svojoj Ponudi (strana 8-15. Ponude) dostavio popunjen obrazac za cijenu ponude-Aneks 2. Na strani 12. Ponude, u rubrici pod rednim brojem 50. ponuđač je izvršio ispravku iznosa jedinične cijene na način da je preko ranije upisane cifre unešena nova cifra, bez potpisa ponuđača i bez datuma izvršene ispravke.

Agencija za javne nabavke BiH u svom mišljenju broj: 04-02-1-4-2/19 od 07.01.2019. godine, a koje se odnosi na primjenu člana 18. stav 1. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) navodi da je ponuđač "dužan da pazi da ispravka bude vidljiva, npr. ispravku izvršiti vodoravnim precrtavanjem upisa u toj rubrici i unošenje ispravnog teksta u slobodni dio rubrike uz obavezno stavljanje datuma ispravke i potpisom ponuđača. Potvrđivanje ispravke od strane ponuđača mora biti izvršeno potpisom ponuđača i datumom ispravke, u suprotnom, izgubio bi se smisao autentičnosti i vjerodostojnosti same ispravke".

Također, praksa Ureda za razmatranje žalbi BiH po pitanju ispravki greški bez potpisivanja i navođenja datuma kada je vršena ispravka, u Rješenjima broj:

- JN2-03-07-1-1261-8/16 od 12.01.2017. godine,
- JN2-01-07-1-803-8/17 od 18.01.2018. godine,
- JN2-02-07-1-628-6/17 od 01.02.2018. godine i
- JN2-02-07-1-520-7/17 od 02.04.2018. godine

je da su ispravke koje nisu potvrđene potpisom i datirane bile razlog za odbijanje ponuda kao neprihvatljivih.

Na osnovu iznesenog, a uz uvažavanje gore citiranog mišljenja Agencija za javne nabavke BiH kao i prakse Ureda za razmatranje žalbi BiH, Komisija za javne nabavke smatra da je ponuđač "Strabag" d.o.o. Sarajevo postupio suprotno odredbi člana 18. stav 1. Uputstva za pripremu modela tenderske dokumentacije i ponuda, te je stoga predmetna ponuda kao takva neprihvatljiva za ugovorni organ.

IV. Ponuda ponuđača "Bosman" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.2.1.TD, a u skladu sa članom 46. Zakona traženo je da ponuđači moraju biti registrovani za obavljanje djelatnosti koja je predmet javne nabavke. U svrhu dokazivanja profesionalne sposobnosti ponuđači su bili dužni u ponudi dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke, uz napomenu da dokazi koji se dostavljaju moraju biti originali ili ovjerene kopije.

Ponuđač "Bosman" d.o.o. Sarajevo je u svojoj Ponudi (strana 15-25. Ponude) kao dokaz za obavljanje profesionalne djelatnosti dostavio ovjerenu kopiju Aktuelnog izvoda iz sudskog registra od 02.10.2018. godine.

Komisija za javne nabavke smatra da dostavljena kopija Aktuelnog izvoda iz sudskog registra nije ovjerena od strane nadležnog organa na ispravan način. Naime, ovjerena je samo zadnja strana Izvoda, a obzirom da se isti sastoji od više stranica, bilo je potrebno uz ovjerenu zadnju stranicu ovjeriti i svaku stranicu Izvoda pojedinačno-između stranica, a prema zvaničnom stavu iznešenom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine.

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i jedno lice-kvalifikovani zidar.

Tačkom 7.4.2. pod b) TD je pored ostalih zahtjeva traženo da se kao dokazi za jedno lice-kvalifikovanog zidara dostavi Diploma/Svjedočanstvo o završenoj stručnoj spremi kao i dokazi o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Bosman" d.o.o. Sarajevo je u svojoj Ponudi (strana 55. Ponude) kao dokaz za traženo dostavio Uvjerenje o priznavanju stručne osposobljenosti u radnoj organizaciji broj: 1913/87 od 18.06.1987. godine izdato od strane SOUR "Graming" Sarajevo, kojim se dokazuje da se uposleniku Omeragić Zijadu priznaje stručna osposobljenost za kvalifikovanog radnika u zanimanju zidar.

Komisija za javne nabavke cijeni da dostavljeno Uvjerenje nije u skladu sa traženim dokazima iz tačke 7.4.2. pod b) TD i da isto ne ispunjava uslove postavljene u TD (kao dokaz je jasno tražena Diploma/Svjedočanstvo o završenoj stručnoj spremi).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju postupka nabavke radova na rekonstrukciji lokalne saobraćajnice u ulici Muje Šejte u dužini od L=1,285 km, na području općine Vogošća, iz razloga jer nijedna od primljenih ponuda nije prihvatljiva, a u skladu sa članu 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

- 1 "Ame" d.o.o Breza
2. "Harysco" d.o.o. Sarajevo
3. "Strabag" d.o.o. Sarajevo
4. "Bosman" d.o.o. Sarajevo
5. Nadležnoj Službi
6. U dosije
7. a/a


032/783-550

033/590-852

033/569-729

033/762-061

OPĆINSKI NAČELNIK


Edin Smajlić